

ՊԱՏՄԱԿԱՆ ԳԵՏՈՒԹՅՈՒՆՆԵՐԻ XIV ՄԻՋԱԶԳԱՅԻՆ ԿՈՆԳՐԵՍԸ

1975 թ. օգոստոսի 22—29-ը Սան-Ֆրանցիսկոյում տեղի ունեցավ պատմական գիտությունների XIV կոնգրեսը, որն անցավ քաղաքական և զաղափարական սուր պայքարի պայմաններում:

Կոնգրեսի 1400 պատգամավորներից 600-ը ԱՄՆ-ից էին: ԱՄՆ-ից հետո կապիտալիստական երկրներից ավելի մեծ թվով պատգամավորություն էին ներկայացրել Գերմանիայի Ֆեդերատիվ Հանրապետությունը, Ֆրանսիան, Իտալիան, Բելգիան, Կանադան, Ճապոնիայից, Ռուսիայից և Հնդկաստանից բացի, Ասիայից ուրիշ երկրներ չէին մասնակցում:

Կոնգրեսին ներկա էին մի շարք գիտնականներ քաղաքական Աֆրիկայից և Լատինական Ամերիկայից, որոնք հրավիրվել էին Ամերիկայի պատմաբանների ասոցիացիայի հաշվին:

Սովետական պատվիրակությունը կազմված էր 82 պատմաբաններից:

ԱՄՆ-ի պատմաբանների ասոցիացիայի նախագահը բացելով նիստը, ողջունի համար խոսք տվեց կոնգրեսի նախկին պրեզիդենտ, ակադեմիկոս Ե. Մ. Ժուկովին, որը ղեկուցեց 1970 թ. Մոսկովյան կոնգրեսից հետո ընկած ժամանակաշրջանում սեղի ունեցած առաջընթացի մասին: Նա հատկապես նշեց, որ պետությունների միջև խաղաղ գոյակցության քաղաքականությունը բարերար նշանակություն է ունեցել պատմական գիտության զարգացման համար: Պայմաններ են ստեղծվել տարբեր երկրների գիտնականների միջև սերտ կապեր հաստատելու, որը նպաստում է պատմության կարևորագույն պրոբլեմները միացյալ ուժերով քննարկելու և վավերագրական նյութերը փոխանակելու գործին:

Կոնգրեսի 3 սեկցիաներում և բազմաթիվ հանձնաժողովներում քննարկվեցին 73 խոշոր և մանր թեմաներ:

Առաջին սեկցիան քննարկում էր խոշոր հետազոտական թեմաներ, երկրորդը՝ մեթոդոլոգիայի տեսական պրոբլեմներ և երրորդը՝ պատմությունը ըստ պարբերացման (հին, միջին, նոր և նորագույն շրջաններ):

Սովետական պատմաբանները կոնգրեսի թեմատիկայով ներկայացրեցին 12 գրավոր զեկուցում և հաղորդումներ, ակտիվ մասնակցություն

ունեցան քննարկվող բոլոր զեկուցումներին, 80-ից ավելի ելույթներ ունեցան:

Նրանք կոնգրեսի ամբիոնը կարողացան օգտագործել պատմության մատերիալիստական ըմբռնման սկզբունքները վերհանելու, սոցիալիստական շինարարության արդյունքները, ինչպես նաև ՄՍՀՄ-ի խաղաղասիրական արտաքին քաղաքականության պատմական նշանակությունը ցույց տալու համար: Հատկապես ընդգծվում էր Եվրոպայի անվտանգությանն ու համագործակցությանը նվիրված Հելսինկիի խորհրդակցության նշանակությունը համայն մարդկության համար, ցույց էր տրվում համաշխարհային հասարակայնության ուժերի համախմբման անհրաժեշտությունը՝ միջազգային լարվածությունը վերջ տալու նպատակով: Այդ տեսակետն էին պաշտպանում նաև կապիտալիստական երկրների առաջավոր պատմաբանները:

Կոնգրեսի մասնակիցների ուշադրությունը առավել շարժվել գրավեցին այսպես կոչված «Մեծ թեմաների» շուրջը ծավալված բանավեճերը, որ սկսվեցին սովետական մի խումբ պատմաբանների՝ «Պատմությունը և հասարակությունը» զեկուցումով (Ա. Դանիլով, Վ. Իվանով, Մ. Կիմ, Յու. Կուկուշկին, Ա. Սախարով, Ն. Սիվաչով):

«Պատմությունը և հասարակությունը» թեմայի կապակցությամբ սովետական պատմաբանները հիմնական ուշադրությունը կենտրոնացրել էին երկու խնդրի վրա՝ 1. Անցյալի ուսումնասիրման հիման վրա ներկայի ըմբռնումը, 2. Անցյալի գիտական վերլուծության կապը ներկա հասարակական պրակտիկայի հետ: Կարևորը այն էր, որ շեշտվեր, թե ինչ դեր կարող է կատարել պատմությունը ժամանակակից հասարակության կյանքում: Այդ թեմայի էրսպերտներն էին Լ. Էլեկիշը (Հունգարիա) և Ե. Ստանեսկուն (Ռումինիա): Նրանք պաշտպանեցին այդ թեմայի հիմնական թեզերը: Իտալիայի ներկայացուցիչը նույնպես պոզիտիվ գնահատական տվեց և նշեց մարքսիզմի ազդեցության աճը պատմական գիտության վրա:

Զեկուցման հիմնական թեզերը մերժելու միտումով հանդես եկան արևմտագերմանական պատմաբան Խ. Վինկլերը և ամերիկացի Փ.



Ստեռնը: Ինչ խոսք, նրանք ստիպված էին ընդունել մարքսիզմի հսկայական ազդեցությունը համաշխարհային պատմագիտության վրա և պատմական գիտության դերը խաղաղ գոյակցության գործում: Սակայն նրանք ամեն կերպ ցանկանում էին սովետական պատմական գիտությունը ներկայացնել որպես «հրահանգավորված», «քննադատություն չընդունող», «գողմաներ պահանջող» և այլն: Նրանք ջանում էին բացասել հասարակության զարգացման մարքսիստական ըմբռնումը, նրա զարգացման դինամիկան և սովետական հասարակարգը որպես նոր տիպի հասարակարգ, ձգտում էին ապացուցել, որ իբր սոցիալիստական հասարակարգը պատմական զարգացման օրինաչափությունից չի բխում, այլ նա մասնակի, ուսական երևույթ է:

Խ. Վինկլերը փորձեր արեց մերժելու պատմական պրոցեսի օրինաչափությունների և սոցիալ-տնտեսական ֆորմացիաների մարքսիստական ըմբռնումը, նա հասավ այնպիսի արտաոտոց անհեթեթության, որ հանդես գալով ֆաշիզմի փաստաբանի դերում, ցանկացավ բացասել, որ իբր ֆաշիզմը խոշոր բուրժուազիայի դիկտատուրա չէ: Իսկ նրա զաղափարակից ամերիկացի Փ. Ստեռնը առավել ծիծաղելի վիճակի մեջ ընկավ, երբ հայտարարեց, թե ֆաշիզմը իրենից հակակապիտալիստական շարժում էր ներկայացնում: Ե՛վ Վինկլերի, և՛ Ստեռնի ելույթները ավելի շուտ քաղաքական բնույթ էին կրում:

Մարքս-լենինյան թեզերի պաշտպանությամբ և չակասովետիզմի ջատագովներին հակահարված տալու շամար հանդես եկան սովետական պատմաբաններ Մինցը, Ռիբակովը, Նարոչնինցկին, Կիմը, Սիվաչովը, Կուկուշկինը, Սախարովը, ինչպես նաև հունգարացի պատմաբաններ Բ. Նեմեշը և Բերենդը, Լեհաստանից՝ Ե. Տոպոլսկին, Գերմանական Դեմոկրատական Հանրապետությունից՝ Շտրայզանդը, Չեխոսլովակիայից՝ Յեզարը, Բուլղարիայից՝ Խաչինիկովը, որոնք ընդգծեցին, որ բուրժուական պատմաբաններից ոմանք գիտական վեճերը վեր են ածում քաղաքական նպատակ հետապնդող պրովոկացիոն հայտարարությունների:

Խոշոր թեմաներից էր նաև «Մարդու իրավունքը» պրոբլեմը: Այն ներկայացվել էր տարբեր երկրների մի խումբ գիտնականների, որոնց թվում նաև սովետական գիտնականների կողմից: Հիմնական ղեկավարող Սորբոնի համալսարանի նորագույն պատմության պրոֆ. Ռոլան Մունյեն էր, որը խոսելով մարդու իրավունքի մասին հնագույն (հռոմեական, հունական, մուսուլմանական, շինական) քաղաքակրթություններից մինչև նորագույն ժամանակաշրջանը, ձգտում է ընդգծել, որ մարդու իրավունքը կրո-

նի, աստվածային ուժի պարզևն է և, որպես այդպիսին, անձեռնմխելի է: Նա չի տալիս հասարակության զարգացման և տնտեսական ու սոցիալական հարաբերությունների վերլուծությունը և չի դիտում մարդու իրավունքը որպես հասարակական հարաբերությունների արդյունք, այլ պատկերացնում է այն որպես ի սկզբանե գերբնական ուժի կողմից տրված մի ընծա:

Բուրժուական պատմաբանները ջանում էին ապացուցել, որ իբր բուրժուական կարգերում մարդը ավելի ազատ է իր գործունեության մեջ, որ իբր կոլեկտիվիզմը սահմանափակում է անհատի իրավունքները: Սակայն մարքսիստ պատմաբանները կոնկրետ փաստերով ցույց տվեցին, թե ինչպես կապիտալիստական անարխիայի պայմաններում հասարակության մի մասը զրկվելով արտադրամիջոցներից, դառնում է կապիտալի գերին:

Հաջորդ խոշոր թեման «Հեղափոխություն» թեման էր, որ ներկայացվում էր ԱՄՆ-ի կողմից: Զեկուցողները՝ է. Խորոբաում (Անգլիա), Բ. Բեյլին (ԱՄՆ), Բ. Բյանկո (Ֆրանսիա) ամեն կերպ ջանում էին ընդգծել անգլիական, ֆրանսիական և ամերիկյան հեղափոխությունների դերը, համարելով դրանք համամարդկային, դեմոկրատական և այլն: Հատկապես զովերգում էին ամերիկյան հեղափոխությունը, որի 200-ամյակը շուտով լրանում է: Նրանք ձգտում էին նսեմացնել Հոկտեմբերյան հեղափոխության վերափոխիչ դերն ու ազդեցությունը, ցանկանալով այն ներկայացնել որպես ուսական կյանքին հատուկ երևույթ: Սովետական, Գերմանական Դեմոկրատական Հանրապետության, Չեխոսլովակիայի, Բուլղարիայի պատմաբանները ակտիվ մասնակցություն ունեցան այդ թեմայի քննարկմանը: Որպես էքսպերտ հանդես եկավ ֆրանսիական կոմունիստ Ա. Սորբուլը:

Սովետական էքսպերտ՝ ակադեմիկոս Ա. Նարոչնինցկին իր ելույթում ցույց տվեց բուրժուական գիտնականների միտումնավորությունն ու կեղծարարությունը, կոնկրետ փաստերով ապացուցեց Հոկտեմբերյան հեղափոխության մարդասիրական էությունն ու նրա համաշխարհային նշանակությունը: «Հեղափոխություններ» թեմայի քննարկումն անցավ մարքսիստական աշխարհայացքի գերակշռող ազդեցության տակ:

Կարևոր թեմաներից էր նաև «Փոքրամասնությունը որպես պատմական երևույթ»: Զեկուցողն էր կանադացի պրոֆ. Ու. Մորթոնը: Սեկցիայի պրեզիդենտը Կանադայի ակադեմիկոս պետական գործիչ, ծագումով ուուս, Գ. Իգնատեն էր: Պետք է նշել, որ թե՛ պրեզիդենտը, թե՛ զեկուցողը և առհասարակ Կանադայի մյուս պատմաբանները բարեկամական վերաբերմունք ունեին դեպի սովետական պատվիրակները: Պրոֆ.



Մորթոնը իր զեկուցման մեջ հատկապես նշում էր, որ ՍՍՀՄ-ում ազգային հարցի լուծումը ուշադրության արժանի երևույթ է:

Սովետական գիտնականներ Ա. Շլեպակովը, Ա. Սումբատյազեն, Ա. Աբիլովը, Վ. Տիշկովը և տողերիս հեղինակը ցույց տվեցին, որ ՍՍՀՄ-ում սովետական կարգերի և սոցիալիզմի հաղթանակի շնորհիվ ստեղծվել է ազգերի տնտեսական, կուլտուրական-իրավական լիակատար հավասարություն և այդ հողի վրա, այսպես կոչված, ազգային փոքրամասնություն հասկացողությունը վերացել է:

Հարավսլավիայի ներկայացուցիչ Փ. Ցվիտտերը պաշտպանեց սովետական պատմաբանների դիրքորոշումը:

Աշխույժ քննարկման նյութ տվեց նաև «Խաղաղ գոյակցության հասկացողության ակունքները» թեման: Սովետական պատմաբան Ա. Չուբարյանը իր զեկուցման մեջ ցույց տվեց խաղաղ գոյակցության լենինյան սկզբունքները և դրանց նշանակությունը ժամանակակից պատմական պրոցեսում:

Սովետական պատմաբանները ներկայացրեցին նաև «Դեմոկրատիայի պրոբլեմը քաղաքական կուսակցությունների ներքին կառուցվածքում և XX դարի շարժումները» զեկուցումը և մյուս սոցիալիստական երկրների հետ՝ «Դեմոկրատական և սոցիալիստական խնդիրները կոմունիստական և բանվորական կուսակցությունների ծրագրերում» զեկուցումը:

Սովետական Միության, ինչպես նաև սոցիալիստական սիստեմի մյուս երկրների պատմաբանների գերակշռող դերը նկատելի էր նաև պատմության մեթոդոլոգիային վերաբերող հարցերի քննարկման ժամանակ: Հատկապես հաջող էր կազմված էնգելբերգի (ԳԴՀ) զեկուցումը: Այդ հարցերի քննարկմանը մասնակցեցին սովետական պատմաբաններ Կովալչենկոն, Մալկովը, Սախարովը, Լիպին, Պաշուտոն:

Բուռն դիսկուսիա սկսվեց «Երկրորդ համաշխարհային պատերազմի քաղաքականությանն ու ստրատեգիային» նվիրված հանձնաժողովում: Խիլզրուբերը (ԳՖՀ) ամեն կերպ ջանում էր ցույց տալ, որ գերմանական ազրեսիվ քաղաքականության միակ պատասխանատուն Հիտլերն է և ոչ թե մոնոպոլիստական բուրժուազիան և ֆաշիստական կարգերի ողջ սիստեմը: Նրանք Հիտլերին ներկայացնում էին այնպես, որ իբր ոչ մի կապ չունեն բուրժուազիայի հետ: Այդ տեսակետի պաշտպանությամբ հանդես եկավ նաև Ուոտտը (Անգլիա):

Պատմաբան Կուբան (ԳՖՀ) «XX դարի բանվորական շարժումը երկրներանքի առջև. հեղափոխություն և ռեֆորմ» զեկուցման մեջ ցան-

կանում էր ապացուցել սոցիալ-դեմոկրատական-զարգացման «երրորդ ուղու» հնարավորությունը: Այդ ուղին նա կոչեց «մարտնչող ռեֆորմիզմ»: Սովետական պատմաբանները խիստ քննադատության ենթարկեցին այդ տեսակետը: Կոնգրեսի ամբողջ ընթացքում սոցիալիստական, սիստեմի երկրների պատմաբանները իրար հետ սերտ համագործակցում և միասնական դիրքերով էին հանդես գալիս:

Սովետական պատմիրակության անդամները բազմաթիվ հանդիպումներ ունեցան ԱՄՆ-ի, Կանադայի և այլ երկրների պատմաբանների հետ, հաստատեցին անձնական կապեր: Հաճելի է նշել, որ նրանց առաջադեմ մասը ողջունում է Հելսինկիի խորհրդակցության ոգին, պաշտպանում խաղաղ գոյակցության սովետական կառավարության քաղաքականությունը: Կարելի է եզրակացնել, որ կոնգրեսի ընթացքում սովետական պատմիրակությունը, համագործակցած մյուս սոցիալիստական երկրների հետ, զգալի ազդեցություն գործեց բոլոր պրոբլեմների քննարկման ընթացքի վրա: Փոխ-պրեզիդենտ էրդմանը (ԳՖՀ) ընտրվեց պրեզիդենտ: Լեհ պատմաբան Գեյմտորը ընտրվեց առաջին վիցե-պրեզիդենտ, նախկին պրեզիդենտ Ժուկովը մնաց ՊԳԿ-ի բյուրոյի անդամ, խորհրդատուի պաշտոնով, իսկ պրոֆ. Ժիլինը նորից ընտրվեց երկրորդ համաշխարհային պատերազմի հանձնաժողովի վիցե-պրեզիդենտ: Սովետական պատմաբան Մամֆրեդն ընտրվեց ֆրանսիական հեղափոխության հանձնաժողովի պատվավոր նախագահ: Կուչերենկոն՝ այդ հանձնաժողովի անդամ, Կոզլովը՝ դեմոգրաֆիայի հանձնաժողովի անդամ, Կորսունսկին՝ եկեղեցական հանձնաժողովի անդամ: Որոշ դեպքերում ամերիկացիներին ձայնակցում էին նաև Ռումինիայի պատմաբանները, որի համար էլ ամերիկացիները և արևմտյան գերմանացիները պաշտպանեցին ապագա կոնգրեսը Բուխարեստում հրավիրելու առաջարկը:

Սան-Ֆրանցիսկոյի կոնգրեսը ցույց տվեց, որ մարքսիստական պատմագիտությունը հսկայական ազդեցություն է ձեռք բերել: Ամերիկյան մամուլը նշում էր սովետական պատմաբանների ակտիվությունն ու նպատակասլացությունը: Չնայած համարյա բոլոր քննարկվող հարցերի վերաբերյալ դիսկուսիայի ծավալմանը, այնուամենայնիվ զգացվում էր, որ միջազգային լարվածության թուլացումը և խաղաղ գոյակցության գաղափարը լայն ճանաչում են գտել և զգալի արդյունքներ են տալիս:

ՀՍՍՀ ԳԱ ակադեմիկոս Ծ. ԱՂԱՅԱՆ